



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. II. An Cambium minutum ferat palliatam usuram?

urn:nbn:de:hbz:466:1-40673

erum; quod est proprie mutuum, & usura: Dicitur tale Cambium siccum, quia caret titulo ad lucrum, & sic caret humore ad fructificandum.

Dividitur secundo in Minutum, & Locale, seu per literas; Minutum est permutatio pecuniae diversæ speciei, vel rationis, ut aureæ cum argentea, hujus cum ærea, numismatum majorum cum minoribus, arroforum cum integris, antiquorum cum novis, patiorum cum externis, vetitorum cum legitimis, &c. Locale Cambium, seu per literas est, quando permutatur pecunia præsens cum ablente, quod per literas fieri solet.

Hoc autem Locale Cambium tripli-citer fieri contingit, Primo, si Campsor prior accipit pecunias a Campsario, ut ei illas restituat in loco distante; Secundo, si econtra Campsarius prior accipit pecunias a Campsore, ut illas ei restituat in loco distant. Tertio, si Campsor tradit hic, verbi gratia Neapoli, pecuniam Campsario, quam postea recipiat hic etiam post recambium.

IV. Datur demum cambium custodiæ, quod est impropre Cambium, & consistit in hoc, quod Campsor, seu nummularius, vel trapezita, seu bancarius, vel depositarius custodiat pecunias apud se depositas; habetque rationem dati, & accepti, & paratus est semper restituere; Pro hac tamen custodia exigit aliquod lucrum, seu stipendium: Quia tamen regulariter non restituitur eadem ratio monetæ, ideo talis custodia habet rationem Cambii, ut videre est apud Sal. dub. 20.

V. Universum circa omnia hæc Cambia notandum est ex Hurt. diff. 8., illud censeri lucrum justum, quod vel lege taxatur, vel judicio peritorum in officio; Qui, ut prudenter taxent, attendere debent ad peculiares titulos, & causas, ob quas in quolibet Cambio licitum est lucrum: Verbi gratia

in Cambio locali spectanda est translatio, & assūcuratio pecuniae, atque adeo advertendum ad distantiam localem, & ad viam, per quam fit translatio, cum hæc ad assūcrationem pecuniae pertineant: Et universim in quolibet Cambio attendenda est copia, vel inopia Camporum, & Campsariorum, quia minus debet esse lucrum, quando est copia Camporum; non secus ac quando est copia vendentium, minoris res valet.

A R T I C. II.

An Cambium Minutum ferat palliatam usuram?

- I. *Cambium minutum fert pecuniarum permutationem cum lucro.*
- II. *Non est usurarium, si ex iustis titulis lucrum consonum reportetur.*
- III. *Iusti tituli sunt, Permutatio pecuniarum ex officio; Obligatio cambiandi; necnon commoditas, quæ datur Campsario cambiando pecunias minutiōres cum grandioribus;*
- IV. *Num famulus cambiando pecunias domini, ipso inscio, possit sibi lucrum retinere?*
- V. *Est pariter iustus titulus lucrum cessans, aut damnum emergens, sicuti etiam si dentur pecuniae puriores, aut rariores.*
- VI. *Nequit pecuniam adulterinam pro vera expendere, qui illam pro vera accepit.*

I. **C**ambium minutum regulariter est illud, in quo dantur pecuniae grandiores pro minoribus, vel econtra, exigendo aliquid pro tali permutatione.

II. Utrum autem lucrum hoc sit usurarium? Respondeo cum communi negative, dummodo judicio prudentium taxatum sit. Ratio est, quia pluribus

ti-

titulus hujusmodi lucrum juste, & lice-
te accipi potest.

III. Primus titulus est, quia ex of-
ficio Campfor cambit; occupatio enim,
& opera in congerendo pecunias, in
numerando, custodiendo, expectan-
do, & in exhibendo se paratum ad
eas permutandas in gratiam, & ad
petitionem Campsiorum, digna est
aliqua compensatione, & lucro.

Secundus titulus est obligatio ad
cambiendum; quando scilicet Cam-
pfor a Principe, vel a Republica ad
id obligatur in gratiam Campsiorum,
non tamen quando ille sponte cam-
bit: Sicut enim obligatio ad mutuan-
dum est pretio æstimabilis, quia fert
de se onus, ita obligatio ad cambi-
endum.

Tertius est, quando dantur pecuniae
grandiores pro minutioribus, dan-
do verbi gratia aurum, vel argentum
pro moneta ærea; quia pecunia gran-
dior Campsario est commodior ad
transferendum, custodiendum, nume-
randum, &c. Neque dicas, quod
Princeps in taxatione pretii pecuniae
grandioris, puta aureæ, attenderit ad
omnem utilitatem, & commoditatem,
quam de se fert; alias non juste ta-
xaret, cum utilitas pecuniae ad ejus
valorem conducat. Nam contra est,
quia quamvis Princeps attenderit ad
hæc omnia, taxando premium pecuniae,
prout pecunia est mensura ad emptionem,
& venditionem rerum, & ad
solutionem debitorum; at non quatenus
est res quædam, quæ possit emi,
vendi, cambiri, locari; constat enim
pluris æstimari idem premium, puta
aureum in monera grandiori, quam
in minutiori, ob dictas commoditates.

IV. Hinc sequitur primo, lucrum
ex hoc titulo non posse accipi, si
contra dentur monetae minutiores pro
grandioribus. Sequitur secundo, quod
si famulus acceperit a domino suo mille
aureos in auro solvendos Creditori

ipius domini, & illos cum lucro com-
mutet cum argenteis, vel æreis, quos
solvit creditor, possit sibi tale lucrum
retinere, quando dominus non curat,
qua specie solutio fiat. Ratio est, quia
tale lucrum est fructus industrie, &
non valoris pecuniae in ordine ad so-
lutionem: Sicut si fur, aut usurarius
alienam pecuniam negotiatur, non te-
netur lucrum restituere; quamvis de-
beat domino compensare damnum e-
mergens, aut lucrum cessans: Quod
si dominus vellet solutionem illam mil-
le aureorum fieri creditor in moneta
aurea, peccat venialiter famulus (ut
notat Hurtad.) contra justitiam in do-
minum non exequendo voluntatem illius,
si restituat in argentea; peccat
etiam contra justitiam in creditorem
venialiter, vel mortaliter juxta quan-
titatem lucri illi cessantis, & tenetur
illud compensare, si scilicet creditor
fuisset ex tali pecunia lucrum reporta-
turus; non tamen si erat communis
pretio expensurus, quia sic nullum da-
mnum intulit, ut notat idem Hurtad.,
& Less. apud Trull. dub. 2.

V. Quartus titulus communis mul-
tis aliis Contractibus est lucrum ces-
sans, aut damnum emergens Campsori,
ut habeat pecunias paratas ad cam-
biendum; potest enim pro hac cau-
tantum accipere, quanti æstimatur spes
illa lucri, aut expositio periculo da-
mni in gratiam Campsiorum. Sunt
etiam aliquando alii tituli, videlicet
tum ratione puritatis materiae, si scilicet
dentur centum aurei purissimi anti-
quiores, vel exteri pro aliis aureis,
quibus aliquid metalli est admixtum;
tum ratione antiquitatis, vel raritatis,
eo quod pluris æstimentur; tum ra-
tione expendibilitatis, quando scilicet
commutantur nummi, qui expendi po-
sunt cum iis, qui non possunt; Et u-
niversim pro ratione plurium, vel pau-
ciorum titulorum, quatenus concurrant,
potest majus, vel minus lucrum a Cam-
pso-

psoribus accipi.

VI. Quæritur hic, an qui scienter, aut ex inadvertentia pecuniam adulterinam accepit, possit illam cum veris miscere, & sic pro vera illam expendere?

Respondeo certum omnino esse, quod non possit; Ratio est, quia talis pecunia est vitiosa; res autem notabiliter vitiosa nequit alteri tradi viatio non detecto, ut diximus cum de Venditione. Neque ex eo quod quis fuerit deceptus, potest alios decipere: Sicut neque ex eo quod famulus meus furatus est a me, ideo possum ego ab aliis furari. Ita communiter cum Azor. part. 3. lib. 7. cap. 6., Bonac. hic num. 4.

ARTIC. III.

An Cambium Locale contineat usuram?

I. Cambium locale triplex est, si scilicet pecunia hic accipiatur a Campsore alibi restituenda; aut si hic accipiatur a Campsario solvenda alibi; aut si hic accipiatur a Campsore restituenda in hoc eodem loco.

II. Primi generis Cambium locale licitum est propter moneta translationem sicutem virtualem, etiamsi Campsor indigeat hic pecunia alibi solvenda; Necnon propter asecurationem pecuniae, ac propter officium cambiandi.

III. Pariter si pecunia alibi restituenda sit pretiosior, aut rarior.

IV. Provisiones Cambiorum, seu quod datur Campsori pro labore, & periculo, solet esse tertia pars scuti pro singulis centenariis.

V. Secundi generis Cambium est pariter licitum, cum sex tituli concurrere possint ad lucrum reportandum.

VI. Cambium, & Recambium, seu cum

Recursa, multipliciter haberi potest. Probabilius est Cambium siccum esse usurarium; & solum speculativa est probabiliter licitum, si in eo concurrent conditiones a Pio V. requisita.

VII. Num Campsor dans bona fide pecuniam restituendam Romae, possit lucrum retinere, si deprehendat, quod Campsarius careat Romae pecunia, qua restituatur?

I. Triplicis generis est, ut diximus, Cambium locale: Primo scilicet, quando Campsor accipit hic, verbi gratia Neapoli, pecunias restituendas Campsario in loco distanti: Secundo, quando Campsarius accipit hic pecunias Campsori restituendas in loco distanti: Tertio, quando Campsor accipit hic pecunias Campsario restituendas in hoc eodem loco.

II. Quæritur nunc primo: An sit licitum Cambium locale primi generis, quando scilicet Campsor accipit, verbi gratia hic Neapoli, pecuniam a Campsario cum obligatione restituendi illam Romae Procuratori Campsarii, & interim accipit a Campsario aliquod lucrum?

Respondeo cum communè affirmative; Ratio est, quia possunt variii tituli concurrere ad reddendum licitum, & justum tale lucrum: Primo scilicet ratione virtualis translationis monetæ in locum distantem; nam Campsor veluti transfert Romam pecuniam, levando sic eo onere Campsarium; Unde fit, quod quo major est distantia horum locorum, eo majus stipendium accipi possit, etiamsi pecunia utrobius ejusdem valoris sit. Idcirco autem ex hoc titulo accipi aliquid potest, quia sicut translatio pecuniae formalis digna est aliqua compensatione, si fiat in gratiam Campsarii, ita translatio ista virtualis; non enim est minus utile Campsario, quod transferatur pecunia

for-